



NOTÌTZIAS -

Abertura de s'Isportellu Digitale

DATA DE PUBLICATZIONE ON LINE: 03/02/2023 DATA ISCADÈNTZIA: 28/12/2023

Sos Assessorados de sas Políticas Sotziales e de sa Pùblica Istruzione, Cultura, Ispetàculu e Isport de su Comune de Otieri cun s'Istituzione Santu Micheli (San Michele), dant notìtzia chi a comintzare dae Lunis 6 de Frearzu 2023, est abertu s'Isportellu Digitale chi faghet parte de su Servìtziu Tzivile Digitale.

Su Comune de Otieri at leadu parte, comente Ente de Acollièntzia de s'Unione de sos Comunes de s'Arta Gaddura, a su bandu pro su Servìtziu Tzivile Digitale pro s'annualidade 2022 cun su Progetu "Comunidades Digitales -reverse mentoring: sas formatziones digitales intra a generatziones".

Su progetu naschet cun s'obietivu de fàghere connòschere cantu prus sa cultura digitale e est indiritzadu a totu sa Comunidade, pro su prus, cun unu riguardu particolare pro sos grupos prus debiles de sa populatzione, in particolare sos antzianos, pagu dispostos a sa digitalizatzione.

Si cheret duncas fàghere comintzare unu servìtziu pro fatzilitare s'educatzione digitale pro mèdiu de s'Isportellu Digitale chi at a permitere de fàghere impitare sas tecnologias noas a cussos chi non sunt in possessu de sos istrumentos matessi o non disponent de sas connoschèntzias netzessàrias pro los impitare.

S'Isportellu at a èssere a dispositzione de sos tzitadinos pro assicurare un'agiudu a sa digitalizatzione pro mèdiu de sos istrumentos e de sas aplicatziones informàticas prus connotas, comente a esèmpiu:

- Agiudu in sa creatzione de s'identidade digitale (Spid);
- Agiudu pro s'impitu App IO - Pago PA;
- Agiudu pro aprontare su Currìculum Vitae;
- Prenotatzione de sas vìsitas mèigas, iscrizioni in sos Istitutos Iscolàsticos / cursos online;
- Lèghere su Fascìculu Sanitàriu Eletrònicu;
- Agiudu a iscriere sas dimandas;
- Agiudos pro sos Trasportos Pùblicos Locales pro sos invàlidos tziviles e pro sos rèdutes;
- Agiudu a iscriere sas dimandas: Bonus Èdricu Integrativu annu 2023;
- Agiudu a iscriere sas dimandas : Assegno de maternidade;
- Agiudu pro imbiare sas dimandas a su Bandu de Servìtziu Tzivile Universale 2023 (Iscadèntzia 10/02/2023);
- Agiudu pro impitare sos servìtzios digitales portos a dispositzione dae sos privados (indicatziones sitos web propostas de traballu);
- Creazione e ghia casella de sa posta eletrònica e Pec;
- Àteros servìtzios

S'Isportellu, pro mèdiu de su pròpiu “account” Facebook e Instagram, s’at a interessare finas de fàghere ischire e sustènnere eventos e propostas culturales de su territòriu, bandos de pùblicu interessu e s’agiudu in sas presentatziones de sas dimandas.

S'Isportellu digitale at a respetare sas dies e sos oràrios de abertura chi sighint:

- Lunis dae sas 09:30 a sas 12:00 - C/o Biblioteca de Otieri
- Martis dae sas 09:30 a sas 13:00 / dae sas 15:30 a sas 17:00 - C/o Comune de Otieri - Segundu Pianu
- Mèrcuris dae sas 09:30 a sas 13:00 - C/o Comune de Otieri - Segundu pianu
- Gioja dae sas 09:30 a sas 12:00 - C/o Comune de Otieri - Segundu pianu
- Chenàbura dae sas 10:30 a sas 12:00 - C/o Biblioteca de Otieri

Pro informatziones: Email: servcivdigitale.ozieri@gmail.com, Tel. 079/781260/61

Sa Responsàbile de su Servìtziu 2.2

Servìtzios a sa Pessone

Dutora Alessandra Zoroddu



Tradutzones a cura de s’Operadore de s’Isportellu de Limba Sarda de Otieri - Progetu “Inoghe Puru” Annualidade 2022 - Finantziadu dae sa RAS cun sa L482/99 e cun sa L.R.22/2018